



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatvs De Superstitionibus, Contra Maleficia Sev Sortilegia Qvae Hodie vigent in orbe terrarum

Arles y Andosilla, Martin de

Romæ, 1559

Incipit Insignis Et exquisitissimus Tractatus de Superstitionibus

urn:nbn:de:hbz:466:1-29941

INCIPIT INSIGNIS ET

exquisitissimus Tractatus de Su-

perstitionibus; editus per reueren-

dum dominum magistrum Martinum de Ar-

les in sacra Theologia professorem meri-

tissimum: ac canonicum & archidia-

conum vallis de aybar in Ecclesia

Pamp̃. Regni Nauaræ.



Vadam die cum peractis
diuinis officiis post pran-
dium intra hortos ame-
nos huius nostrę insignis
Ecclesię nonnulli ex fra-
tribus concanonicis esse
mus simul recreãdi causa inter alias ho-
nestas colloquutiones : ortus est sermo
de superstitionibus, quę prodolor, ho-
ste procurante antiquo his diebus vi-
gent in orbe terrarum : cum ergo de
his confabularemur quesuit a me vnus
ex eis : scilicet venerabilis dominus
Archidiaconus de vssum, mihi fra-
ter amantissimus, narrando quod est

TRACTATVS

Antiquus vsus in oppido quodam sui archidiaconatus : vt cū aliqua necessitas tempore siccitatis fructibus terre ingruerit : magna cū deuotione processionaliter clerus & coloni cū hymnis & canticis ad sanctum Petrum de vssum : titulum videlicet sui archidiaconatus se conferūt : ibique missa celebrata & orationibus imaginem beati Petri ab altare in dorso vel brachiis ad oram fluminis cum canticis & laudibus deferunt. Aliqui tamen eorum querunt ab ipsa imagine dicentes : sancte Petre succurre nobis in hac necessitate positis, vt impetres nobis à Deo pluuiam &c. hoc. ii. hoc. iii. Et cum ad singula nihil respondeat, clamant dicentes submergatur beatissimi Petri imago si nobis apud Deum omnipotentem gratiam expostulatam pro imminente necessitate non impetrauerit. Respondent aliqui de primatibus non equidem ita fiet: nam tanquam bonus pastor impetra-

bit gratiam prefatam & intercedet apud Deum. Et ita datis fideiussoribus pro parte beati Petri (vt asserunt ipsi coloni) nunquam fuerunt decepti neque destituti in necessitate & desiderio suo prefertim pluuie quin infra . xxiiii . horas pluuiam habuerint : ideo super hoc cupiens a me informari : quesuit . Vtrum in hoc committatur aliquod peccatum : secundum idolatrie superstitionis vel alterius huiusmodi ? Quam questionem frater venerande proculdubio tibi explanare & aliis exponere , fateor ingenii mei vires excedere . Cum non videam in me quid tue & aliorum sapientie dignum aut elegantia dicendi aut sententiarum grauitate possim afferre . Verumtamen (quonia vires quas imperitia negat , charitas administrat) vt saluti animarum consulatur . Memor insuper mee professionis pioque zelo succensus . Que dominus mihi ministrauerit ex precipuis & authenticis doctoribus pauca

TRACTATUS

colligere tibi curabo : in quo quidem opusculo (vt magistri sententiarum vt ar verbis) in prologo non solum pium lectorem , sed etiam liberum correctorem desidero quod vtinam tot haberet zelatores aduersus maleficia & superstitiones sensualium hominum quot prodolor hoc nostro tempore reperitur numerus phironum & maleficiorum . In primis frater venerabilis, populus ipse (vt video) sub pretextu Religionis plura mala committit que ex tua informatione elici possunt : & ex alia quam a fide dignis illius loci personis accepti . Nam primo committunt actum superstitionis , Secundo sacrilegium , Tertio tentant Deum & stulte agunt & scandalum ex suo actu committunt . De quibus omnibus per ordinem est dicendum . Et primo de superstitione .